

O Se Fa'amatalaga I Le Fa'ama'i Lea O Le Mami

- O le ma'i lea o le mami o se fa'ama'i e matuiā e matuā pipisi, ae peita'i, e mafai ona puipuia oe i le tui fa'agata lea e tā'ua o le Misela, Mami, Rupela po'o le (MMR).
- O le fa'ama'i lea o le mami e pipisi mai se tagata o lo'o a'afia ai, e auala lea i lona fāua ma lona isupē pe a tale, mafatua pe tautala fo'i. E mafai ona pipisi pe a e latalata i lenei tagata, pe tusa ma le tasi le mita le va, pe e te tago fo'i i se mea o lo'o pīsia i lona fāua ma lona isupē, o se fa'ata'ita'iga, o se pepa sa fogi ai lona isu po'o so'o se mea lava e tagofia e le tagata ua a'afia.
- E lē mafai e fuāla'au tui ona togafitia lea fa'ama'i, po'o le fa'aititia le ono a'afia o oe mai lenei fa'ama'i o le mami.
- O ni āuga o lenei fa'ama'i o le mami, o le fiva, tīgā o le 'ulu, tīgā o ou maso, lagonaina le vaivai i taimi uma, ma ua lē toe lagonaina se fia 'ai. O itutino e gaosia ai le fāua mo le gutu, i le itū e tasi, po'o itū uma e lua o lou foliga, o lou 'ālafau po'o lou 'auvae e amata ona fulafula ma tīgā pe a mavae ni aso se lua.
- O to'atele o tagata ua mafai ona togafitia mai lenei fa'ama'i, ae peita'i, e i ai nisi tagata ua āfaina pe a'afia fo'i i nisi tulaga ona o le mami.
- E mafai ona lagonaina e tamā ma fa'apea fo'i tama talavou ni a'afiaga, e pei o le tīgā ma le fufula o o latou itū sā, afai e o'o i lea tulaga, e lē mafai ona fa'amanuiaina i se tulaga e ono maua ai se fanau.
- O a'afiaga nei o tinā ma tama'ita'i talavou, o le a fula fatu o le ma'itaga (Ovaries). Ae o tinā ua maua i le ma'itaga, o le a i ai le a'afiaga, e ala lea i le ma'i fafano i masina muamua e tolu o lona ma'itaga.
- I nisi tagata, o le a logonoa i le fa'ama'i lea o le mami. I isi taimi, e mafai fo'i ona fufula lou fāi'ai ma maua i le fiva fāi'ai (Meningitis).

IA PUIPUIA OE MA ISI MAI LE FA'AMA'I LENEI O LE MAMI

- O le auala sili e puipuia ai oe mai le fa'ama'i lea o le mami, o le faia lea fa'alua o le tui Puipui e tā'ua o le Misela, Mami ma le Rupela (MMR).
- I totonu o Niu Sila, o le tui fa'agata lea o le MMR e masani ona faia lea i tamaiti ua atoa le sefulu lima masina ona toe faia lea pe a atoa le fa o tausaga. Ae peita'i, afai e malosia ma pipisi tele le fa'ama'i, ona mafai lea ona faia le tui fa'agata i tamaiti ua atoa le sefulu lua masina, ona toe faia lea le tui Puipui lona lua pe a mavae ni vaiaso se fa.
- Ia fa'afeso'ota'i lau foma'i pe afai e te le o mautinoaina pe ua fai lou tui fa'agata, pe afai fo'i e te mana'omia le faia lea o lou tui lona lua. O le tui lea o le MMR, e mafai ona faia fua, mo i latou e le'i faia o latou tui fa'agata e lua.

E mafai ona maua nisi fa'amatalaga e uiga i fa'ama'i nei o le Misela, Mami ma le Rupela e fa'apea fo'i nisi fa'amatalaga e fa'atatau i le tui fa'agata o le MMR; i luga o le upega tafa'ilagi o le ARPHS.

O MALU PUIPUIA A'U I LENEI FA'AMA'I O LE MAMI?

O lo'o puipuia oe mai le fa'ama'i lea o le mami pe afai:

- Sa e soifua i luma mai o le tausaga 1981.
- Sa va'aia oe e se foma'i muamua ma iloa ai ua e maua i le mami.
- O lo'o fa'amauiaina, ua uma ona faia ou tui fa'agata e lua o le MMR.
- Sa siaki lou toto e fa'amaonia ai o lo'o mafai e lou tino ona tete'eina lenei fa'ama'i o le mami.

E lē o puipuia oe mai le fa'ama'i lea o le mami pe afai:

- E leai se fa'amaumauga i lau foma'i, sa fai ni ou tui Puipui se lua o le MMR.
- E vaivai lou tino e tete'e le fa'ama'i.
- O oe o se tamaititi e le'i atoa le sefulu lima masina, ona e le'i o'o i le taimi e fai ai lou tui Puipui.
- O oe o se tamaititi e sefulu lima masina i le fa tausaga, ae na'o le tasi le tui fa'agata o le MMR ua uma ona fai.

Updated 2017-09-19

Afai o e fia malamalama atili i tui e puipuia ai oe, ona e fa'afeso'ota'i lea le ofisa e feagai ma Tui Puipui i le numera lea o le 0800 Immune po'o le asiiasi atu fo'i i le upega tafa'ilagi o le

www.immune.org.nz

Afai ua e masalomia o lo'o e maua i lenei ma'i o le Mami, ia fa'afeso'ota'i lau foma'i pe vili fo'i le ofisa o le soifua mālōlōina (Healthline) mo se fautuaga i le numera lea o le

0800 611 116

Mo ni fa'amatalaga e fa'atatau i le

fa'ama'i lea o le Mami po'o le tui fa'agata o le MMR, asiiasi atu i le upega tafa'ilagi o le ARPHS o le

www.arphs.govt.nz